

儀禮正義

冊二

儀禮正義四

南菁書院

續溪胡培翬竹村著

士相見禮第三

鄭目錄云士以職位相親始承摯相見之禮雜記會葬禮曰相見也反哭而退朋友虞祔而退士相

見於五禮屬賓禮大

疏

正義曰單疏本始承摯相見下無之字釋小戴及別錄皆第三

文集釋毛本俱有○鄭云士以職位相親

始承摯相見之禮者謂始仕爲士者因職位相親而始行執摯相見之禮是鄭專指有位之士而言也然其實未仕之士以道藝相

親而相見當亦用此禮又此篇主言侯國之士然亦兼天子之士在內賈疏謂天子之孤卿大夫士與諸侯之孤卿大夫士執摯既

同禮亦無別是也不云見而云相見者據經賓初以摯見主人主人復還摯見賓是迭爲賓主故云相見也王制六禮相見居其一

張氏爾岐云經初言士相見禮次言士見于大夫又次言大夫相見又次言士大夫見于君未及見尊長諸儀皆自士相見推之故

以士相見名篇云雜記會葬禮曰相見也反哭而退朋友虞祔而退者案雜記原文云相趨也出宮而退相揖也哀次而退相問也

既封而退相見也反哭而退朋友虞祔而退此皆謂送葬之事故鄭云會葬禮也彼注云相趨謂相聞姓名來會喪事也相揖嘗會

於他也相問嘗相惠遺也相見嘗執摯相見也附當爲祔孔疏出宮而退謂柩出廟之宮門而退去哀次而退謂柩出至大門外之

哀次而退去也既封而退謂至窆竟而退也反哭而退謂至葬竟孝子反哭還至家時而退也虞祔而退謂至主人虞祔而退也此

五者恩薄者退速恩厚者退遲鄭引相見也二句者明相見者之恩誼較朋友爲疏而視相趨相揖相問者則爲厚耳云士相見於

五禮屬賓禮者周禮大宗伯以賓禮親邦國其別有八雖未言相見然相見亦是賓主相接之法故鄭云屬賓禮也郝氏敬云士相見禮士君子初相接之禮也古之君子論行而結交行苟同矣未遽合也必有介以相通有辭以相命有摯以相將有儀以相敬然後無苟合而免失身之悔然則儀禮一經特制相見之禮其以是與○張氏爾岐云經本言士與士相見遞推至見君見禮已備凡燕見于君以下博言圖事進言侍坐諸儀法殆類記文體例矣盛氏世佐云此篇之經止士相見一章自士見于大夫以下皆記也其中見大夫大夫相見見君三節文與本篇相似猶可曰自士相見推之也至凡燕見于君以下則其體宛似戴記且與彼大同小異者今案自凡燕見于君以下文體與經不相似非周公作張氏盛氏以爲記文說亦有見今並錄存之以諗來者

士相見之禮摯冬用雉夏用牀左頭奉之曰某也願見無由達某子

以命命某見

摯所執以至者君子見於所尊敬必執摯以將其厚意也士摯用雉者取其耿介交有時別有倫也雉必用死

者爲其不可生服也夏用牀備腐臭也左頭頭陽也無由達言久無因緣以自達也某子今所因緣之姓名也以命者稱述主人之意今

文頭

疏

正義曰自此至賓再拜送摯出主人送于門外再拜言士與士相見之禮其細目則再請返再辭摯而後見賓初以摯見

次請賓反見次主人還摯見賓而禮成○摯唐石經及嚴本集釋經注俱作摯釋文作摯云本又作摯今本多作摯石經考文提要云案

儀禮識誤云此卷中摯字經注凡四十有四皆從手今計經摯字二十一監本作摯者四作摯者十有六岐出今从唐石經宋本儀禮鄭注

儀禮圖統作摯注見於所尊敬集釋無於字以將其厚意也集釋無也字今所因緣之姓名也據疏或本無名字嚴本俱有○釋文願見

賢遍反凡卑於尊曰見敵而曰見謙敬之辭也今案禮記少儀曰聞始見君子者辭曰某固願聞名于將命者不得階主敵者曰某固願見方氏慤云願聞名于將命者以其尊而不可以遽見故欲先聞其名與之相敵則不必先聞其名直曰願見而已此隆殺之辨也今此士與士相見體敵故云願見不云願聞名也注云摯所執以至者君子見於所尊敬必執摯以將其厚意也者案鄭注大宗伯云摯之言至所執以自致又注曲禮云摯之言至也通典云摯者至也信也君子於其所尊必執摯以相見明其厚心之至以表忠信不敢相褻也陳氏祥道云禮云無辭不相接也無禮不相見也欲民之無相瀆也又云君子於其所尊不敢質也故貴至於邦君賤至於庶人以至婦人童子相見不依摯不足以爲禮摯而不稱德不足以爲義此論摯之大略也云士摯用雉者取其耿介交有時別有倫也者曲禮曰凡摯天子鬯諸侯圭卿羔大夫雁士雉大宗伯以禽作六摯士執雉是其用雉之證也說苑云雉者不可指食籠狎而服之是其性耿介也李氏云雉春交秋別既別不雜是其有時有倫也云雉必用死者爲其不可生服也者書舜典曰五玉三帛二生一死摯一死卽謂雉也白虎通云士以雉爲摯者取其不可誘之以食懼之以威必死不可生畜士行威守節死義不當移轉也云夏用脰備腐臭也者周禮庖人曰夏行脰鱠鄭司農云脰乾雉鱠乾魚後鄭云脰鱠嘆熱而乾案乾則不腐臭故夏時用之敖氏惟見冬夏而不言春秋蓋春則先從冬後從夏秋則反之亦若屢然與云左頭頭陽也者謂頭謂陽故在左也曲禮曰執禽者左首首與頭同鄭注左首尊孔疏左陽也首亦陽也左首謂橫捧之也云無由達言久無因緣以自達也者言願見之心雖久而無介紹以自通也云某子今所因緣之姓名也者卽介紹也按鄭解鄉飲鄉射俱以某子爲姓氏此云姓名者賈疏謂彼對面語故不言名此非對面之語若不言名直稱姓是何人故以姓

名解之其說是也云以命者稱述主人之意者蓋主人若無見之
意雖有介紹先容亦不得謾相就敖氏云以命以主人之命也言某
子以主人之命命某見乃敢見也語極明顯云今文頭為脰者臧氏
琳云賈疏謂鄭不從今文者以其脰項也項不得為頭故不從也士
虞禮取諸脰臆注古文脰臆為頭蓋也案說文頁部頭首也肉部脰
項也二字義別鄭注士相見禮從古文不從今文注士虞禮從今文
不從古文可謂
各得其當矣 主人對曰某子命某見吾子有辱請吾子之就家也

某將走見

有又也某子命某往見今吾子又自辱來序其意也走猶往也今文無走

疏

正義曰某子即上某子賈疏謂某子

是中閒介紹之人故賓主共稱之是也張氏爾岐云某子亦所因者之姓名以其前來通意故主人自謙言其曾命某往見也某者主人自名也注云有又也者詩長發有虔秉鉞箋云有之言又也云某子命某往見今吾子又自辱來者是申言解有為又之義敖氏作本字解云有辱謂有所屈辱盛氏駁之謂當從注為是云走猶往也者賈疏謂直取急往相見之意非走驟之義故釋從往也云今文無走者賈謂無走於文義不足賓對曰某不足以辱命請終賜見

命謂請吾子之

就

正義曰注謂字闕葛俱誤在子字下○張氏爾岐云命謂主人請就家之命不足辱不敢當也

主人對曰某不

敢為儀固請吾子之就家也某將走見

不敢為儀言不敢外貌為威儀忠誠欲往也固如故也今

文不為非古文

疏

正義曰注固以請下嚴徐通解俱有也字集釋及云固以請也毛本無○此賓再請而主人再辭也注云固如

故也者前云請吾子之就家今仍云然故云如故也云今文不為非者賈疏謂非敢於義不便故不從今文云古文云固以請也者賈疏

謂固請於文從便若有以字於文紆緩故不從古文今案下注云今文不為非亦不從今文也固以請古文多以字蓋涉下文賓對之辭而誤

賓對曰某不敢為儀固以請

言如故請終賜見也今文不為非

疏正義曰對唐石經補刻誤

作用注言如故集釋作故嚴本及各本俱譌作固程氏瑤田云按上注云固如故也今解此固字即承用如故二字若作固則如字不可通矣今主人對曰某也固辭不得命將走見聞吾子稱摯敢辭摯不得

命者不得見許之命也走猶出也稱舉也

疏正義曰此賓三請主人辭其摯為其大崇也古文曰某將走見

也注云走猶出也者與上注走猶往也殊者賈疏云彼據向賓家故走為往此據出門故云走猶出也云稱舉也者爾雅釋言稱舉也

郝氏義疏云稱又通作稱書敢行稱亂史記殷紀作敢行舉亂士相見禮聞吾子稱摯聘禮賓稱面鄭並云稱舉也云辭其摯為其大崇

也者為用摯禮大崇不敢當故辭之也云古文曰某將走見者賈疏云上已云某也固辭不得命於下不須云某於文便古文更云某將

走見文疊

賓對曰某不以摯不敢見

見於所尊敬而無摯嫌大簡

疏正義曰注云

故不從也而無摯嫌大簡者此釋所以必用摯之義也白虎通云相見有摯何所以相尊敬長和睦也故財帛者所以副至意也然則平等而相見

亦有相尊敬之意故注云然

主人對曰某不足以習禮敢固辭

言不足習禮者不敢當其崇禮來見

己

疏正義曰此賓嫌其無摯簡略而主人再辭其用摯也

注云言

己是原其所以託言不足習禮之故禮謂賓客往來之禮不云不敢當而云不足習禮謙以辭之也

賓對曰某也不依

于摯不敢見固以請

言依於摯謙自卑也今文無也

疏

正義曰注末四字毛本脫嚴徐集釋通解俱有

注云言

依於摯謙自卑也者依於摯謂託之以通意無所託則不敢見是謙自卑之辭也云今文無也者謂古文作某也不依於摯今文無也字

鄭從古文作某也者取其配文足句非有他義後同

主人對曰某也固辭不得命敢不敬從出

迎于門外再拜賓答再拜主人揖入門右賓奉摯入門左主人再拜

受賓再拜送摯出

右就右也左就左也受摯於庭既拜受送則出矣不受摯於堂下入君也今文無也

疏

正義曰注既拜受送嚴徐俱有受字盧氏據疏疑為衍文非也今文無也四字集釋通解毛本同嚴徐作今文無脫也字○此賓固請用摯而主人

許之賓始以摯見也自敢不敬從以上皆賓在門外擯者往復傳言注云右就右也左就左也者謂主人就門右入賓就門左入門大

門也門右門左詳士冠禮云受摯於庭者李氏云下記云君在堂升見此無升文則在庭也云既拜受送則出矣者謂主人既拜受摯賓

既拜送摯而禮畢即出矣明未與敘殷懃故須反見也云不受摯於堂下入君也者意謂臣見君當受摯於堂此於庭是下入君也楊氏

復云注謂下入君此義難曉案聘禮賓至于近郊君使卿用束帛勞賓受于舍門內諸公之臣則受于堂又案聘禮賓私面于卿受幣于

楹闥及衆介面則受幣于中庭以此言之則受于堂為重受于庭為輕其義可知也今案楊說亦通云今文無也者義已詳前

主人請見賓反見退主人送于門外再拜

請見者為賓崇禮來相接以矜莊歡心未交也賓反見則燕矣

下云凡燕見于君至凡侍坐于君子博記反見之燕義臣初見於君再拜奠摯而出

疏

正義曰上賓出主人不送而使擯者請見賓亦

不辭而反見者賓本爲見來也賓退主人送再拜賓不答拜義詳士冠禮褚氏云反見之儀則曲禮所云凡與客入者一節備之注云請見者爲賓崇禮來相接以矜莊歡心未交也賓反見則燕矣者江氏筠云賓之來介以通名摯以致敬其禮過崇是時相接以矜莊賓主之意兩皆未伸故主人須請見請見亦猶是相見而得以交歡心者蓋賓反見則爲燕見矣燕見之禮與始之致尊嚴者不同非燕飲之燕也今案賈疏以禮賓饗賓歡燕爲解誤甚方氏苞王氏士讓吳氏廷華章氏平皆辨之云下云凡燕見于君至凡侍坐于君子博記反見之燕義者此因經但言反見而反見之爲燕見其義未詳故引下文以明之江氏筠云案下文凡燕見于君至凡侍坐于君子雖不見此兩士燕見之禮然即階之辯君所在則知此得升堂矣即言之妥而後傳則知此得安坐矣於博陳與言之儀則知此主與賓得各言所有事於詳論侍坐之法則知此賓於主不嫌坐之移時此鄭之特立圖事非立賓主之燕也其義固自明之矣云臣初見於君再拜奠摯而出者鄭欲明下燕見之爲反見其初見時並無此法又欲見臣之于君其初見禮與此之賓主略同則此反見時亦猶彼之燕見而非復如始之矜莊相接可知矣自賈疏目反見爲留燕而後之論者並疑此爲春秋戰國時公卿下士之主人復見之以其摯曰婦儀經義不失之愈遠乎○以上賓見主人

者吾子辱使某見請還摯于將命者

復見之者禮尚往來也以其摯謂鄉時所執來者也婦曩也將

猶傳也傳命者謂擯相者

疏

正義曰注謂擯相者毛本者作也嚴徐集釋通解楊

謂辱臨也因辱臨而已出見之若賓使之然故謙言使某見也○案還摯謙不敢當也士於士不終辭摯而有還摯大夫於士則終辭摯

而無還摯君於其臣則受之於外臣則使擯還之大夫於嘗為臣者亦然注云復見之者禮尚往來也者禮尚往來曲禮文王氏士讓

云賓既見而主人復見之所謂相見也云以其摯謂鄉鄰時所執來者也者言其摯即賓所執來之摯也云鄉鄰也者說文云鄉不久也又

云曩鄉也是二字通莊子曰曩子行今子止以曩對今則曩為前時也此經作鄉為正字或作鄉作嚮作向皆古字通用作晌則俗字也

云將猶傳也傳命者謂擯相者論語闕黨童子將命馬注將命者傳賓主之語出入是將猶傳也周禮司儀注出接賓曰擯入贊禮曰相

擯相實一人然則傳命即謂擯者矣經主人對曰某也既得見矣敢

辛讓其來疏正義曰賈疏云上言主人此亦言主人者上言主人者辭答己也疏據前為主人而言此云主人者謂前賓今在己家而說

也張氏爾岐云此下凡稱主人者即前賓稱賓者即前主人注云讓其來答己也者章氏平云案鄉飲酒注云事同曰讓事異曰辭此

以辭為讓恐轉寫誤今案辭與讓大賓對曰某也非敢求見請還摯同小異注云謂讓即經所謂辭也

于將命者疏言不敢求見嫌摯主人疏正義曰注末四字毛本脫嚴徐

得見為辭故賓以非敢求見但請還摯為對也注云言不敢求見嫌摯主人不敢當也者賈疏云賓主頻見是褻也今云非敢求見嫌

褻主人不敢當相見主人對曰某也既得見矣敢固辭疏固如賓對曰

某不敢以聞固以請于將命者疏言不敢以聞又益不敢當疏正義曰張氏爾岐云

還摯之事聞之主人但固請于將命者而已益自謙主人對曰某也之辭注云又益不敢當者不敢當相見之禮也

固辭不得命敢不從

許受之也異日則出迎同日則否

疏

正義曰注云異日則出迎同日則否者李氏云此不

言主人出迎蓋同日也鄉射禮明日息司正主人猶出迎褚氏云今入交際以來而速答為敬於同日則愈敬古人以異日為敬同日而往謂之殘日故注云異日則出迎同日則否亦因答者之敬心以為差也敖氏云不俟主人之迎而即自入蓋急欲還摯且尊主人也夫還摯何爭此斯須之頃而汲汲如是且賓既尊主人主人顧傲然自尊不出迎乎接之情理斯不然矣經不言者儀已具上文耳張氏爾岐云此上賓主之賓奉摯入主人再拜受賓再拜送摯出主人送于門外再拜**疏**正義曰經明言還摯則摯即其來之摯可知吳氏章句謂禮尚往來復見宜別有摯非也敖氏云授受不著其所如上可知○以上還摯復見

右士與士相見之禮

士見于大夫終辭其摯于其入也一拜其辱也賓退送再拜

終辭其摯以將

不親答也凡不答而受其摯唯君於臣耳大夫於士不出迎入一拜正禮也送再拜尊賓**疏**

正義曰此下分為五

嘗為大夫臣者見大夫二也大夫相見三也大夫士庶人見君四也他邦之人見君五也皆由士與士相見之禮推之○注尊賓楊氏賓

作賢

注云終辭其摯以將不親答也者終辭不受也不言一辭再辭文省也士於士受其摯於親答時還之大夫於士不親答故不受

其摯也敖氏云士於大夫降等者也受摯而不答則疑於君答之則疑於敵使人還之則又疑於待舊臣是以終辭之也云凡不答而受

其摯唯君於臣耳者君謂本國之君也若他邦之人則使擯者還其摯故知不答而受其摯唯君於己臣然也云大夫於士不出迎入一拜正禮也者案經云于其入也一拜其辱也明不出迎可知凡主於賓不出迎不入送送入一拜皆降等之禮宜然故鄭以為正禮也曲禮曰士見於大夫大夫拜其辱與此文同孔疏亦引此經釋之云送再拜尊賓者程氏瑤田云賓退之賓謂見大夫之士今案送而再拜即降等之客亦然尊是尊之也凡送賓無論尊卑皆再拜惟喪禮之送賓也一拜○吳氏紱以此為卑見尊之禮則由士推之凡卑見尊者皆可用此禮也

右士見大夫

若嘗為臣者則禮辭其摯曰某也辭不得命不敢固辭

禮辭一辭其摯而許也將

不答而聽其以

疏正義曰嘗集釋通解毛本俱作常唐石經嚴徐楊摯入有臣道也疏敎俱作嘗案作嘗是也戴氏震云唐石經作嘗即

嘗之俗體今从嘗○儀禮紉解云嘗為臣者謂鄉為其家臣而今為公士者如趙文子所舉管庫之士是也嘗為臣則非始見矣亦必以

摯者以始升為公臣而見也

敖氏云禮辭之者異於現為臣者也現為臣則不辭之注云禮辭一辭其摯而許也者案某也辭不得命

以下即其許之之辭也云將不答而聽其以摯入有臣道也者上士見大夫以將不親答而終辭其摯此亦將不答而聽其以摯入為其

有臣道與凡

賓入奠摯再拜主人答壹拜

奠摯尊卑異不親授也古文壹為一

疏正義

氏云答一拜者主人尊也言主人答拜是不拜其辱矣今案曲禮曰大夫於其臣雖賤必答拜之鄭注辟正君是現為臣者且答之況舊

臣乎注云奠摯尊卑異不敢授也者是亦賓出使摯者還其摯于

門外曰某也使某還摯還其摯者疏正義曰敖氏云賓退而主人不

不現為臣故當還摯某也大夫賓對曰某也既得見矣敢辭辭君還

名吳氏疑義云下某摯者名疏疏正義曰注未集釋通解手本俱作今文無也嚴徐俱作今文

無也疏疏正義曰注未集釋通解手本俱作今文無也嚴徐俱作今文

君者以嘗為臣疏疏正義曰注未集釋通解手本俱作今文無也嚴徐俱作今文

則有君義也疏疏正義曰注未集釋通解手本俱作今文無也嚴徐俱作今文

之疏疏正義曰注未集釋通解手本俱作今文無也嚴徐俱作今文

未協以還摯非出自疏疏正義曰注未集釋通解手本俱作今文無也嚴徐俱作今文

摯者意也疏疏正義曰注未集釋通解手本俱作今文無也嚴徐俱作今文

賓對曰某也夫子之賤私不足以踐禮敢固辭

家臣稱私踐行也言某臣也不足以疏疏正義曰注云家臣稱私者玉

行賓客禮賓客所不答者不受摯疏疏正義曰注云家臣稱私者玉

大夫私事使私人摯蓋臣於大夫者為私人也云賓客所不答者不

受摯者賓客之禮凡不答者不受摯故言某是臣不足以行賓客還

摯之禮也褚氏云上主人辭摯而云不足以習禮謙辭也此則摯者

直云賤私不足與行禮則是質言之非謙矣語似同意大別

對曰某也使某不敢為儀也固以請言使某尊君也或疏正義曰此

辭初言使某次言命某未復言使某故鄭分別解之謂言使某是其

正尊君之義也或言命某則取傳言之義耳敖氏云云使猶命也是

無其分別疏疏正義曰

矣與鄭異疏疏正義曰

賓對曰某固辭不得命敢不從再拜受受其摯疏正義曰

而去之疏疏正義曰

儀禮正義四

六中華書局聚

再拜者象受之於主人也注云受其摯而去之者
此因經無賓退之文故注補之謂受其摯即退之也

右士嘗爲大夫臣者見於大夫

下大夫相見以鴈飾之以布維之以索如執雉鴈取知時飛翔有行列也飾之以布謂裁

縫衣其身也維疏正義曰儀禮識誤云釋文以索悉各反注同今注謂繫聯其足無以索二字經曰飾之以布維之以索注舉飾之

以布全句釋之至下句不應獨曰維此必今本脫去之以索三字今增入今案戴氏震盧氏文招皆從識誤是也但嚴本及各本維下俱

無此三字未敢遽增而附其說如此○王制曰諸侯之上大夫卿下大夫五入是上大夫卿三卿下大夫卿五大夫也詳聘禮君與卿圖

事下儀禮釋官云案卿爲上大夫大夫爲下大夫此對文耳散文則通曰大夫此經諸篇之內有兼卿與大夫總言大夫者有上大夫單

言大夫者有下大夫單言大夫者各依文求之可也相見以鴈者周禮大宗伯曰卿執羔大夫執鴈曲禮亦云卿羔大夫鴈是下大夫相

見以鴈上大夫相見以羔也如執雉者謂執鴈亦左頭奉之與執雉同注云鴈取知時者賈疏謂以其木落南翔冰泮北徂隨陽南北

今案大宗伯注亦云鴈取其候時而行云飛翔有行列者說苑云鴈者行列有長幼之禮故大夫以爲贊白虎通云以鴈爲摯者取其飛

成行止成列也大夫職在奉命邊四方動作當能自正以事君也此皆以鴈爲鴻雁之雁經義述聞則謂鴈鵠也詳士昏禮納采用鴈下

云飾之以布謂裁縫衣其身也者曲禮曰飾羔鴈者以績鄭注績畫也諸侯大夫以布天子大夫以畫孔疏飾覆也畫布爲雲氣以覆羔

雁爲飾以相見也大宗伯注云士相見之禮卿大夫飾摯以布不言績此諸侯之臣與天子之臣異也此鄭義也吳氏疑義云摯重於飾

尚無王朝侯國之分豈一飾之微反續與布各別乎且經明言飾若以布而不續何取乎飾也今案吳說似有理此經言布曲禮言續相兼乃備此云飾以布言其以布爲質也彼云飾以續言其于布上畫之也二經似不必爲王朝侯國之別矣裁縫衣其身謂裁布縫之以衣其身也云維謂繫聯其足者維有繫聯之義故解經維之以索爲繫聯其足也索繩也維不言維羔鴈言維以其生用之也褚氏云既裁縫衣其身翼並在內矣止繫聯其足可也敖氏謂繫聯其足翼添翼字欲補注未備不知翼無須於繫耳

上大夫相見

以羔飾之以布四維之結于面左頭如麇執之

上大夫卿也羔取其從帥羣而不黨也面

前也繫聯四足交出背上於胸前結之也如麇執之者秋獻麇有成禮如之或曰麇孤之擊也其禮蓋謂左執前足右執後足今文頭爲脰疏正義曰注羔取其後帥案監本後作從疏引注文亦作從至其下釋

乃云凡羔羊皆有引帥若卿之後君之命者也此釋亦誤以從爲後後字近從傳寫誤也校勘記云按作從是也黃氏丕烈云單疏魏氏

皆作從嚴本誤秋閩監葛本俱誤作法注云羔取其從帥羣而不黨也者賈疏云凡羔羊皆有引帥若卿之從君之命者也今案春秋

繁露云羔有角而不任設備而不用類好仁者執之不鳴殺之不啼類死義者羔食于其母必跪而受之類知禮者故羊之爲言猶祥與

故卿以爲摯說苑云羔者羊也羊羣而不黨故卿以爲摯白虎通云卿以羔者取其羣不黨卿職在盡忠率下不阿黨也云面前也者詳

士冠禮云繫聯四足交出背上於胸前結之也者繫聯四足此解經四維之亦以索可知蓋以索繫其前足又繫其後足從腹下交出背

上於胸前結之故云結于面也云如麇執之者秋獻麇有成禮如之者經云左頭則與雉鴈同矣而復云如麇執之者雉鴈兩足羔四足

故其執之之法當如麇也麇鹿子蓋古時有獻麇之禮今禮文殘闕不可考矣賈疏謂庖人秋行犢麇故云秋獻麇若然庖人云春行羔豚亦當有獻羔禮何必云如麇也云或曰麇孤之摯也者此鄭廣存異說耳周禮大宗伯及大行人皆云孤執皮帛唯白虎通云古摯以麇鹿今以羔雁何以爲古者實取其內謂得美草鳴相呼麇與麇同當爲或說所本云其禮蓋謂左執前足右執後足者其禮謂獻麇之禮左執前足右執後足是左頭也云今文頭爲脰詳前○賈疏云執摯者或平敵或以卑見尊皆用摯尊無執摯見卑之法檀弓云哀公執摯見己臣周豐者如士相見之禮大夫雖摯異其儀猶如士疏正義曰注云大彼謂下賢非正法也猶如士者大夫之摯雖異於士然其相見之儀則同也敖氏云此相見之禮蓋兼復見者言之也張氏云士與士相見敵者之禮也兩大夫相見亦敵者故其儀如之王氏士讓云此經言敵鈞者相見若上下大夫之互相見則經無明文○李氏紱云意下之見上當倣上經士見大夫之禮上之見下當倣下經異爵者見士及玉藻大夫見士之禮與

右大夫相見

始見于君執摯至下容彌蹙

下謂君所也蹙猶促也促恭慤貌也其爲恭士大夫一也

疏正義曰

此當以執摯爲句云始見于君執摯者見摯唯新臣有之常朝及燕見則不用也舊以執摯至下四字爲句非注云下謂君所也者經義述聞云君所不得謂之下鄭說未安敖云至下謂當帶則是解至下爲極卑也然但云極卑而不指其處則安知不更下於帶乎恐古人無此不了之文法且上文摯冬用雉夏用脰左頭奉之釋文奉芳勇反是摯當奉不當提正當用奉者當心之禮何得同於提者之當

帶邪此云至下蓋謂執摯者行至君之堂下至堂下則與君益近故其敬益甚下文遂云容彌蹙也古者謂堂下為下鄉射禮笙一入拜于下又曰命弟子贊工遷樂于下聘禮記曰若君不見使大夫受自下聽命公食記卿擯由下注不升堂也禮運曰澄酒在下論語曰拜下禮也皆其證矣今案以下為堂下解最直截鄭云君所者蓋謂堂下即係君所說亦可通敖氏解至下為當帶則盛氏亦駁之其說不可從也云蹙猶促也促恭慤貌也者鄭解蹙為促而又以為恭慤貌者言其恭敬誠實踧踖不安之貌如是也詩小明政事愈蹙毛傳蹙促也或謂蹙與蹴通哀公問孔子蹴然辟席注云蹴然敬貌云其為恭士大夫一也者經不言士明臣之見古皆然故云士大夫一也

庶人見于君不為容進退走

容謂趨翔

疏正義曰賈疏以庶人為在官府

府史胥徒而已凡民在焉王說是也方氏苞云古者天子諸侯耕藉巡方大詢時田皆與庶人接故庶人有見君之禮或謂下節注庶人之摯驚五字當在此節據大宗伯庶人執驚注云驚取其不飛遷則兼凡民在內矣曲禮庶人之摯匹鄭注說者以匹為驚注云容謂趨翔者張氏爾岐云庶人見於君不為趨翔之容進退唯疾走而已即曲禮云庶人僮僮今案不為容甚于蹙進退走所謂不為容也

士大夫則奠摯再拜稽首君答壹拜

言君答士大夫一拜則於庶人不答之庶人之摯驚古文壹作

一

疏

正義曰稽首頭至地拜之重者再拜稽首臣見君之禮也壹拜周禮所謂奇拜也曲禮曰君于士不答拜也此答壹拜者以其

始見故也盛氏云案士大夫始見君之禮其詳不可聞矣以聘禮賓觀入門右北面奠幣再拜稽首及覲禮侯氏入門右坐奠圭再拜稽首參之則士大夫奠摯處當在門東拜亦北面也是時君位蓋在堂上答壹拜者遙答之也曲禮曰大夫見於國君國君拜其辱熊氏謂

以初爲大夫敬之殆爲是與上文注云臣初見於君再拜奠摯而出謂拜畢卽出無升堂入摯之事也今案盛氏謂奠摯不升堂是矣至以觀與覲例之謂奠摯當在門東恐非蓋覲與覲其後尚有升授之文故初時入門卽奠之此無升授之事則其奠不必與覲覲同處但經無明文難以臆擬矣注云言君答士大夫一拜則於庶人不答之者上經並言庶人見君之禮而此答一拜惟據士大夫言之是君於庶人不答拜也餘已詳前

右大夫士庶人見於君

若他邦之人則使擯者還其摯曰寡君使某還摯賓對曰君不有其外臣不敢辭再拜稽首受疏正義曰他邦之人謂他邦之臣非己臣也敖氏云人蓋通大夫士而言是也其執摯來見也則使擯者還其摯不言于門外省文也賈疏云凡臣無境外之交今得以摯執見他邦君者謂他國之君來朝此國之臣因見之謂若掌客卿皆見以羔之類是也然不盡此凡他邦之臣出亡來此國者亦當以摯見又定八年左傳公會晉師于瓦范獻子執羔趙簡子中行文子皆執鴈亦是他邦臣來見也篇末他國之人則曰外臣故此稱外臣也敖氏云不有言外之也不敢辭尊君也再拜稽首受亦若受於君前然也今案此與嘗爲大夫臣者使擯還摯略同然彼則受而後還此則不言受但言還彼還摯賓三辭乃受此則不辭而受者儀禮訓解云禮無受他臣摯法故奠卽還之亦無抗禮於他君法故辭卽受之也

右他邦之人見於君